

佛法教義與世道人心論略

董正之

將述此論，略有五分

甲、因緣分

以何因緣，而述此論？因緣有五，何等爲五？

一、對治唯物邪執，撥無因果報應，導致共產主義猖獗，社會間，詭分階級，鼓吹鬥爭；國際間，顛覆滲透，橫肆侵略；反對孝道，破壞倫常，廢棄家庭，滅絕人性。佛法爲純理智宗教，破邪顯正，導迷歸覺，有此功能。

二、祛除迷惘恐怖，亟須昌明佛法：世局多變，人類多難，戰爭變亂，相間迭乘；天災人禍，紛至沓來。核子大戰浩劫，勢已迫在眉睫，以福利人類科技，作毀滅人類冠星。堅定人類心靈信仰，篤正行誼，遏止殺機。

三、宗教政治並行，德化法治互濟：政教相輔，化民美俗，勸善懲惡，弭患無形。正法昌隆，國臻郅治。往史昭然，可爲明鑑。

四、加強心理建設，完成建國使命：欲達戡亂目的，促進文化復興，弘揚佛法，昌明因果，嚮導人心正思，啓迪民族正氣，扶植社會正義，以息政治貪風，而挽社會頹風。

五、申明佛法教義，糾正輿論歧見：復興基

地民衆，宗教情操濃厚。一般社會，神佛不分。殺牲祀神，扶乩問鬼，招朋酗酒，香會拜拜，輿論報章失實，每多誤爲佛教。譏笑僧伽，誣讎正法，抵銷教化功能，違悖治道常軌。共匪統戰陰謀，詭計栽贓佛教，破壞團結，製造紛擾。匡惡指非，因述此論。

乙、立義分

大乘起信論云：「所言法者，謂衆生心。是心則攝一切世間法出世間法。」因此佛法，即是心法。

經云：「佛說一切法，對治一切心；若無一切心，何用一切法。」是則顯示衆生心性，因境成體，緣境外馳，背覺合塵，因染積垢，造業受報。須以佛法爲藥石，治療衆生心理病態。

又云：「心生，則種種法生；心滅，則種種法滅。」是則藥因病立，病愈藥除。佛法應世，亦復如是。

大學云：「古之欲明明德於天下者，先治其國；欲治其國者，先齊其家；欲齊其家者，先修其身；欲修其身者，先正其心；欲正其心者，先誠其意；欲誠其意者，先致其知；致知在格物。物格而后知致，知致而后意誠，意誠而后心正，

心正而后身修，身修而后家齊，家齊而后國治，國治而后天下平。自天子以至庶人，以是皆以修身爲本。其本亂，而未治者否矣。」儒家格、治、誠、正、修、齊、治、平之理，式副佛法三學五戒精神。精湛平易，裨益治道。欲正人者，必先正己；欲治國者，須正人心；修己而安人，立己以達人，彰人心邪正之機，天下治亂之源。肩負治平重任，於此不可不察。

丙、解釋分

解釋分，復別爲三：

何等爲三？一者，顯示正義。二者，匡謬破邪。三者，申論治心與治國關係，而示團結人心，完成戡亂使命，尤以復興大乘佛法爲急務，爲本論主旨所在。

(一)者顯示正義

前分既述萬法唯心之旨，心體常寂，其用常照。不能以形狀，非長、非短、非方、非圓；不能以色繪，非青、非黃、非赤、非白。視之原不見，而不能謂其泯；覓之了不可得，而不能謂其無；惟見與覓之不易，故其正與治也甚難。抑且釋典所詳，心法開而爲百，善僅十一。傳謂：「人心唯危，道心唯微」。稍近其義。千經萬論，

總明攝心；世學諸科，多流縱慾；而後性原相近，習則相遠矣。

釋典所明，難以具引。心經、金剛、楞嚴，三經大義，曩為我國所重，願究其旨，釋典在焉。

青年守則序文所示：「國者，人之積也。人者，心之器也。國家之治亂，繫於社會之隆污；社會之隆污，繫於人心之振靡。」底為明訓。

(一)者匡謬破邪

近世正式式微，邪說熾盛，為常為斷離異，貽害人心則同。尤以唯物邪說，流毒最甚。

夫達萬法唯心之旨，則可知人我一如，物我一體，與無緣慈，運同體悲，視愛人如愛己，為敬已必需敬人，而後人各互助，社會相安，國家郅治，天下太平。唯物學說，謬以心為物屬性，重物質輕精神。復以矛盾為社會進化法則，崇尚鬥爭。推而人與人間，國與國際，必須鬥爭，乃能適存。因此，蓄意構構，銳志仇衆，於人我間，則挑撥仇恨；於國際間，則侵略顛覆，狂張鐵幕，屠毒人類；橫肆魔掌，攪亂世界；以至舉世擾攘，歲無寧日。而赤氛到處，倫常敗壞，道德淪喪。人性日晦，社會漸有獸化物化趨勢，為禍之烈，曠古未有。謹依佛敎理論，以斥其謬，而正其誤。

①斥以恨為人類共處出發點之謬：人心具有靈明之知，為世界各宗教公認。惟是人類及萬物由來，一宇宙萬有緣起，宗教立論不同。而洞徹人我一如，物我同體，依報（客觀環境），正報（主觀自我）不二，本體與現象同源，湛深精邃，則為佛敎獨步。其述人生及宇宙之緣起，則有

業感緣起，唯識緣起，真如緣起等論。而因果不爽，報應不謬則同。如言殺業，以人食羊，羊死為人，互相食噉，輾轉互殺，足昭網戒。盜、淫、妄、等業，亦復如是。

崇善黜惡，省過察非，弘展慈悲喜捨四無量心，廣施六度四攝梵行，以自覺為先決條件，以覺他為弘濟過程，以覺行圓滿為極果；以救空地獄為終極。則推己及人，視人若己，互敬互助不暇，何有嗔恨仇視，以至殺害可能！

至於治平準則，儒家學說，亦極完備。忠恕為孔聖一貫理論，盡己之心為忠，推己及人為恕，中庸闡述絜矩之道，社會國家，乃至天下，賴以敦睦九族，協和萬邦者也。

明乎此，則殺人之父者，人亦殺其父；殺人之兄者，人亦殺其兄；伐人之國，覆人之宗，以期稱霸世界，奴役人群，未有多行不義，非自斃者。依宗教理論，證以史實，百驗不爽，因果分明。奈何中唯物學說之毒害者，不及早迷途知返耶！

②斥視政治大業，為欺騙手段，流傳之謬：今世唯物流毒，侵蝕人心，世競習詐，各逞詭技；人權道德，標準各異；昧因求果，翻雲覆雨，悖友助敵，認敵為友，不辨邪正，顛倒是非，胥緣誤解治平大權，福利蒼生大位，視政治大業，為欺騙權柄。而後國際間，凌弱暴寡，分崩離析；社會上，殘民虐民，姦偽叢生；專講欺詐，不尚誠篤。以視先聖以明明德，利溥蒸民，立己達人，憂勞天下，政治大業寶訓，鄙為愚濶，盡棄八德四維，一如敝屣。宜乎世道日衰，風氣日薄

也。

③斥做人與做事道德之二元論，公生活與私生活軌範之兩層論，及為目的不擇手段之謬：儒重慎獨，釋主明心，均以推人與群之關係，從做事表現做人，從立身彰明修養。傳謂：「未有仁，而遺其親者也。未有義，而後其君者也。」理極明矣。亦未有私生活糜爛，而公生活可端正者。嚴行先以嚴身，範身即是範心，必先私生活嚴肅，而後公生活始克中矩。

至手段為因，目的為果，「因地不真，果招紆曲」。必求善始，乃克令終。否則，黑業日積，白業日損，為善獲祥，為惡獲殃，善惡之報，不爽毫髮。有志進德修業，福利人群志士，知所從矣。

丁、起信分

云何起信，略說有三：

(一)者，須信政教並行，理不相悖：民主憲政，當前政治主流，非僅波瀾壯闊，抑且源遠流長。目前雖受極權政體阻塞，姑息逆流衝擊，然人類無獸化物化可能；則此雄偉時潮，縱遭激盪，終必洶湧澎湃，摧毀一切障礙，滌盡大地腥羶，為人類社會，弘拓新機運；紛擾世局，開關光明路。

至聖所謂：「道之以政，齊之以刑，民免而無耻。道之以德，齊之以禮，有耻且格。」昭示德治與法治，立國兩大基石，相輔為用，不可偏廢。

(二)者，消滅唯物邪說，須仗正法：人心不納

於正，必流於邪，驕奢淫逸生活，固足形成頹廢社會；分歧險惡思想，尤易紊亂整個國家。民初以還，國人惑於邪說，廢孔刪經，非孝仇教，西維不張，八德以墜，卒致招來今日惡果。懲前毖後，畏果知因，復興正教，刻不可緩。

(白)者，恪遵同舟共濟，互助合作。我國雄峙亞洲，歷史悠久，文化先被，聖哲代出。忠恕孝悌之道，深植人心；禮義辭讓之行，普及社會。漢唐以降，儒釋合流，大乘佛法，八宗並茂，儒家格致誠正修齊治平之道，與夫慈悲喜捨六度四攝精神，水乳交融，相得益彰。國人智者，不昧史實，佛法教義，幾為民族精神生活信條。屢懷因果，寡慾知足，諸惡莫作，衆善奉行，晝夜晨鐘，醒人癡夢。任正職者，深信因果，廉潔奉公；社會人士，善惡有報，諧和共處；朝野上下，精誠團結；崇孝興讓，講信修睦；中興大業，實現可期！

戊、展望分

展望復分爲三：

(一)者，依全世界亂望治，心理建設，亟需宗教；慨自赤焰鴟張，俄匪肆虐，鐵幕低垂，光明永隔，俄境匪區，惡貫滿盈，教唆互仇，嚴禁相親，儒釋所標道德規律，彼輩視作「革命」障礙，反對固有紀綱，破壞傳統倫常，人類已瀕獸化物化邊緣，非僅亡國覆家，毀宗滅族已也。爲禍之烈，亘古未有。

人爲理性動物，斷無任其獸化，而以爲得計。必本良知，發爲良能，期共挽狂瀾於既倒，支

大廈於將傾。餓易爲食，渴易爲飲，世人望治，未有甚於今日，因時乘勢，繼絕扶危，是則宗教使命。亂極思治，剝極轉泰，宗教徒奚能坐視惡魔橫行，舉世陷溺，而不發悲天憫人之懷，出爲庶社蒼生之舉！！

(二)者，世亂已亟，大乘佛法教義，必將普及寰宇。大難未已，方殷來日。非弘揚正教，無以收亂反治之功。

或謂：「當前核子時代，美人登陸月球，探測火星，妄有謀使人類文化倒轉，恢復神權迷信可能？」

答曰：佛列邪見爲十惡之一，破正見罪，甚於破邪。蓋以邪見誤人自誤，爲禍更烈。

佛以衆生特質，係迷惑顛倒，故謂可憐憫者。以正信誤爲迷信，必認歧路爲正路，從而害人自害也。人類物質生活愈高，所需精神生活愈切，科學愈進步，產業愈發達，五光十色愈雜，六根所觸愈亂。調劑身心，恢復本性，只有清淨莊嚴道場，正解不謬教義，始能淨化人心，饒益社會。

復以科學進步，太空日近，地球星球，距離日短，宇宙奧秘，逐漸發現。殊不知佛法早於二千五百年前，已詳揭示三千大千世界之謎，今日科學家爲繼續其研討，未來借助於佛法處正多。

人類既無獸化物化可能，必須營精神生活；因有精神生活，必須發展宗教；此千古不易之論。契理契機大乘佛法，將爲世界各邦接受，北美佛教，已現曙光，未來史實，可資佐證。

(三)者，佛法原係愛國宗教，倡報四恩，主救

三苦：四恩係國主恩、師長恩、衆生恩；三苦係畜生苦、餓鬼苦、地獄苦。寺僧朝暮課誦，例須祈禱：「邦基鞏固，治道遐昌，佛日增輝，法輪常轉。」保佑國泰民安。以台省佛教論，日據五十年中，所有報刊典籍，學校教科書，均屬日文，禁講華語，禁讀漢文；只有佛經，保留漢文，朝暮課誦，仍用華語；即以今日美國佛寺，美僧仍用華語誦經，大乘佛法，漢化精神，聲振遐邇，光耀古今。

或謂：共匪入侵南越，越僧引火自焚，頗有助紂爲虐嫌疑；台島佛教僧人，是否易陷南越覆轍？

答曰：大乘佛法，流入中國，輔政弼教，揚善彈惡，懿緒德澤，昭彰史乘。其不同他教者，從無政教糾紛，釀成戰爭浩劫。雖有三武一宗滅法暴行，僧侶亦無武力反抗舉動。僅於姚秦時代，派兵迎請法師，崇敬佛法，平添嘉話，華僧行誼，迥異越僧。倘抱杞憂，正中匪計。國父中山先生嘗贊：「佛教爲救世之仁」。

